

Balua na bata gba Djaa Eli na kalanu

Bhele kpála Djaa , aye balua inde-e pi bhele kpála natsia 'kpí li Dadjua gba Ebhe inde 'li e me Gaiusi. Djaa adu agama 'ngú gba ani-e ndjindji, anga ani adu asia omakilisito inde adu ago agba ani-e ndjindji-e naali. Ani atsia a ayo ka ani me, ani lila li e ka bhoko bini inde a du 'li e me Diotelefe malila.

Ongbengbe ongu inde bhú bhuku inde-e ngae inde:

Eli na kalanu 1-4

Nakpo 'ngú ndjindji li kute Gaiusi 5-8

Na'o 'ngú pindji Diotelefe 9-10

Na'o 'ngú pindji Demetiliusi 11-12

Eli na soso 13-15

Djaa yi Gaiusi mayi

¹ Ngama, Bhele Kpála , ma ngaye balua inde-e pi mu Gaiusi, ngamu ndai ma na mukunda, inde ma kunda e kukulu-o.

² Ndai ma na mukunda, gumu gba ma me ndu 'ngú gba mu-o hana dholo ndjindji, mu du ne kute na angu, maka mu nde lie ne angu li bua mu ko.

Gaiusi ngadholo bhú engu na kukulu

³ Ma akpi nako djali naali, anga li nedhinga inde li ondaise ní ago lie, u akpokpo mu ma me

mụ ngamene engú na kùkùlù. A moko, mụ ngadholo bhú engú na kùkùlù. ⁴ Ehe inde la ngaha djali mụma ane ndụ ongú koko hana-a, a ko nadjé me ongisi gba ma-a ngadholo bhú engú na kùkùlù.

⁵ Ndai ma na mụkùnda, mụ ngamene engú inde na babadha pí ondaise ní, belegụ di ne pí obhende mụ mbìla o de-o. ⁶ U akpokpo engú na mụkùnda gba mụ-o kala okpála na Piga gba Ebhe. Mene 'he inde ndjindji bhú djila Ebhe, ne naha ehe inde atéteke uo lí kpadji-e pí uo. ⁷ Padhá de, anga u ngadholo ngubula 'lí Kilisito . La di-e, u tí da nasia 'he ka omupagano belegụ de bini. ⁸ Kaka-a, a ayo me nganí makpe-e, ní teteke ngua okpála bhomụ-o nganí, amba ní kpòtso di líní ne uo ngú nakpokpo 'ngú na kùkùlù.

Engú pìndji Diotelefe ngauo ne Demetiliusi

⁹ Ma aye nako mboye balua pí okpála na Dadjua gba Ebhe. Engú bini, Diotelefe, kpála inde akùnda naae me bhú ndụ 'ngú hana u dje bha ni-e, atsia au engú angò-o bhú djila e padhá. ¹⁰ Kaka-a, ma agó lie, ma ambámba ta engú na sisiti inde anì ngamene e-o. Anì ngapa ongú na sisiti di ne eu lí kute ya. Engú bini, anì pise bha bini lí bhende bhomụ-o de, anì ngayala nasia ondaise ní. Anì ngapa la di pí obhende ngakùnda nasia uo me u mene mo-o, ní pándja uo bhú Piga gba Ebhe-o.

¹¹ Ndai ma na mụkùnda, mo oméne 'ngú maka okpála na sisiti de. Engú bini, mene mangbo engú maka okpála na babadha. Kpála bhende

ngamene bádha 'ngú-o, a ko kpála gba Ebhe. Kpála bhende ngamene siti 'ngú-o, kpála bhomu-o mbíla Ebhe de.

¹² Ndụ okpála hana ngakpo 'ngú pindji Demetiliusi ndjindji. La di-e, engú na kúkulu ngae makpe ngakpokpo 'ngú gba ani-o. Nganí di-e, ní bhadi ngakpokpo 'ngú gba ani-e moko. Mụ ngambíla la di me engú inde ní ngakpokpo e, a ko kúkulu 'ngú.

¹³ Ma ne ongú bhelé napapa pí mụ. La-a, ma kúnda nayeye maye de, ¹⁴ anga ma akúnda nau mụ má gala, amba ní gama 'ngú me ní nde ngau liní mau.

¹⁵ A ayo me guo 'ngú dụ bhú dabili bini ne mụ! Ondaise ní inde ei-e apa me, o yi mụ mayi. Pa la di pí ondaise ní inde oo me, ya yi kpála bini ne bini mayi.

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

6b4904fb-f8ce-5931-8218-7cee8914232c